



SLUŽBENE NOVINE TUZLANSKOG KANTONA

GODINA 10 • TUZLA, PONEDJELJAK, 19. MAJ/SVIBANJ 2003. GODINE • IZDANJE NA BOSANSKOM I HRVATSKOM JEZIKU • BROJ 4

91

Na osnovu člana 24. stav 1. tačka c) Ustava Tuzlanskog kantona ("Službene novine Tuzlansko-podrinjskog kantona", br. 7/97 i 3/99 i "Službene novine Tuzlanskog kantona", br. 13/99 i 10/00), na prijedlog Vlade Tuzlanskog kantona, Skupština Tuzlanskog kantona, na sjednici održanoj 24. 4. 2003. godine, donosi

ZAKON

O ELEKTROENERGETSKOJ INSPEKCIJI

I. OSNOVNE ODREDBE

Član 1.

Ovim zakonom uređuju se poslovi inspeksijskog nadzora nad izvršavanjem zakona i drugih propisa iz elektroenergetске oblasti na području Tuzlanskog kantona (u daljem tekstu: poslovi inspeksijskog nadzora).

Poslovi inspeksijskog nadzora vrše se kod proizvođača opreme, izvođača radova i korisnika elektroenergetskih objekata, postrojenja i uređaja koji sa električnim instalacijama čine tehnološku cjelinu i namjenjeni su za proizvodnju, distribuciju i korištenje električne energije (u daljem tekstu: elektroenergetski objekti i postrojenja).

Član 2.

Poslovi inspeksijskog nadzora nad elektroenergetskim objektima i postrojenjima iz člana 4. ovog zakona vrše se prilikom planiranja, projektovanja, proizvodnje, izgradnje, rekonstrukcije, remonta elektroenergetskih objekata i postrojenja, ugrađivanja električnih uređaja, instalacija i trošila i njihove upotrebe.

Poslovi inspeksijskog nadzora obuhvataju kontrolu kvaliteta električne energije, upotrebe i održavanja elektroenergetskih postrojenja u cilju ocjene njihove tehničke ispravnosti, pogonske spremnosti, sigurnosti pogona, pogonskog i drugog osoblja, racionalne upotrebe električne energije i provođenja mjera ograničenja potrošnje električne energije.

Član 3.

Poslove inspeksijskog nadzora iz člana 2. ovog zakona vrši Ministarstvo industrije, energetike i rudarstva Tuzlanskog kantona (u daljem tekstu: Ministarstvo) shodno Zakonu o kantonalnoj upravi ("Službene novine Tuzlanskog kantona", br. 1/99 i 2/99), a po postupku utvrđenom Zakonom o upravnom postupku ("Službene novine F BiH", broj: 2/98 i 48/99) i ovim zakonom, ako posebnim propisima taj nadzor nije stavljen u nadležnost drugim organima.

Poslove inspeksijskog nadzora iz prethodnog stava vrše kantonalni inspektori elektroenergetike (u daljem tekstu: inspektor).

II. NADLEŽNOST

Član 4.

Inspektor vrši poslove inspeksijskog nadzora nad:

- elektroenergetskim objektima i postrojenjima za proizvodnju električne energije snage niže od 3,5 MVA,
- elektroenergetskim objektima i postrojenjima za distribuciju električne energije napona do kojih im pripadaju po nadležnosti,
- potrošačima električne energije snage niže od 3,5 MVA,
- korisnicima električne energije priključenim na distributivnu mrežu do 35 kV.

Elektroenergetski objekti i postrojenja koji nisu obuhvaćeni stavom 1. ovog člana u nadležnosti su federalne inspekcije.

Član 5.

Za inspektora može se postaviti lice koje ima završen fakultet elektrotehnike, elektroenergetskog smjera, sa položenim stručnim ispitom i radnim iskustvom od najmanje tri godine u poslovima projektovanja, proizvodnje, izgradnje ili eksploatacije elektroenergetskih objekata i postrojenja nakon položenog stručnog ispita.

Član 6.

U vršenju inspeksijskog nadzora inspektori ostvaruju saradnju sa federalnim inspektorima u pitanjima koja su od zajedničkog interesa za vršenje inspeksijskog nadzora nad elektroenergetskim objektima i postrojenjima.

III. DUŽNOSTI KORISNIKA ODNOSNO INVESTITORA ELEKTROENERGETSKIH OBJEKATA I POSTROJENJA

Član 7.

Korisnik, odnosno investitor elektroenergetskih objekata i postrojenja je dužan u postupku pribavljanja rješenja o odobrenju za građenje objekata i postrojenja dostaviti projektnu dokumentaciju Ministarstvu koji svojim aktom utvrđuje usklađenost dokumentacije sa ovim zakonom i drugim propisima.

Korisnik, odnosno investitor objekata dužan je u postupku remonta, sanacije i rekonstrukcije objekata i postrojenja iz člana 4. stav 1. ovog zakona, u roku od 15 dana prije početka radova, obavijestiti Ministarstvo o namjeravanim radovima, ugradnji novih, rekonstrukciji, promjeni namjene ili stavljanju trajno van pogona dijela ili cijelog objekta i postrojenja.

Pravni subjekt, ukoliko je vlasnik ili korisnik više od jednog elektroenergetskog objekta, u postupku pripreme remonta dostavlja Ministarstvu godišnji Termin plan remonta objekata i Plan remontnih radova na objektima za narednu plansku godinu.

Obavijest iz stava 2. ovog člana između ostalog treba obavezno da sadrži opis planiranih radova i osnovne tehničke karakteristike novih, odnosno uzrok stavljanja van pogona cijelih ili dijela postojećih objekata i postrojenja.

Član 8.

Korisnik, odnosno investitor elektroenergetskih objekata i postrojenja je dužan prije podnošenja zahtjeva za izdavanje odobrenja za upotrebu objekta i postrojenja pismeno obavijestiti inspektora o završetku izgradnje.

Korisnik, odnosno investitor ne može otpočeti sa korištenjem objekta i postrojenja prije izvršenog tehničkog prijema i izdavanja rješenja o odobrenju za upotrebu, u skladu sa Zakonom.

Ako inspektor po izvršenom tehničkom prijemu utvrdi da izgrađeni objekat ili rekonstruisano postrojenje ne zadovoljava uvjete utvrđene Zakonom, dužan je o tome obavijestiti organ nadležan za izdavanje odobrenja za upotrebu.

Član 9.

Redovan pregled elektroenergetskih objekata i postrojenja iz člana 4. stav 1. ovog zakona vrši se najmanje jedanput godišnje.

U slučaju oštećenja, havarije ili eksplozije elektroenergetskog objekta ili postrojenja i ako su zbog toga ugroženi ljudski životi i okolina, ako prijeti ili je nastala veća materijalna šteta, korisnik, vlasnik, odnosno investitor objekta i postrojenja je dužan odmah, a najkasnije u roku od 12 sati od nastanka ovih okolnosti, obavijestiti Ministarstvo.

IV. PRAVA I DUŽNOSTI INSPEKTORA

Član 10.

U vršenju poslova inspeksijskog nadzora iz člana 4. ovog zakona inspektor je dužan naročito provjeriti:

- da li za elektroenergetsko postrojenje, koje se gradi ili je izgrađeno i za opremu koja je ugrađena postoji tehnička dokumentacija i propisane isprave izdate od nadležnog organa, u skladu sa zakonom i drugim propisima,

- da li korisnik pravilno i u skladu sa tehničkim propisima i uputstvima za rad i rukovanje upotrebljava i održava u pogonski ispravnom i sigurnom stanju, elektroenergetsko postrojenje i tehničku dokumentaciju postrojenja,

- da li lica koja se bave projektovanjem, izgradnjom, rukovanjem i održavanjem elektroenergetskih postrojenja imaju propisanu stručnu spremu, osposobljenost i položen stručni ispit,

- da li se uredno vode propisane evidencije o radu elektroenergetskog postrojenja i da li se redovno ovjeravaju od odgovornog radnika,

- da li se pravilno provode tehničke mjere za obustave i ograničenja u isporuci električne energije i osiguranje kvaliteta isporučene električne energije,

- da li se elektroenergetska postrojenja, energija i energenti za pogon postrojenja koriste u skladu sa propisima i standardima.

Član 11.

Inspektor ima pravo u vršenju poslova inspeksijskog nadzora rješenjem narediti korisniku elektroenergetskog postrojenja da izvrši odgovarajuća ispitivanja od ovlaštene nezavisne stručne organizacije u svrhu utvrđivanja tehničke ispravnosti, uzroka

oštećenja ili havarije postrojenja u slučajevima kada se to pregledom na licu mjesta ne može utvrditi.

U roku od tri dana od dana pribavljanja rezultata iz stava 1. ovog člana korisnik postrojenja je dužan da o istim obavijesti Ministarstvo.

Korisnik postrojenja je dužan snositi troškove ispitivanja iz stava 1. ovog člana.

Član 12.

Radi otklanjanja utvrđenih nedostataka i nepravilnosti, inspektor će rješenjem narediti mjere koje se moraju preduzeti u određenom roku i odrediti rok u kojem se o otklanjanju istih mora obavijestiti Ministarstvo.

Protiv rješenja iz stava 1. ovog člana može se izjaviti žalba u roku od osam dana od dana prijema rješenja ministru industrije, energetike i rudarstva Tuzlanskog kantona.

Član 13.

Inspektor ima pravo i dužnost rješenjem narediti sljedeće mjere:

1. obustavu izgradnje elektroenergetskih objekata i postrojenja u slučajevima:

- ako se radovi ne izvode prema odobrenoj projektnoj dokumentaciji, tehničkim propisima, standardima i normativima što može dovesti u pitanje sigurnost postrojenja, živote ljudi i prouzrokovati veće materijalne štete,

- ako u određenom roku nisu otklonjene utvrđene nepravilnosti i nedostaci;

2. zabranu upotrebe ili korištenja elektroenergetskih objekata i postrojenja ako njihov rad ili upotreba dovodi ili može dovesti u opasnost život ili zdravlje ljudi, ili ako njihov rad može prouzrokovati veće materijalne štete ili ometati pravilan rad drugih postrojenja i sistema;

3. zabranu izvođenja radova i upotrebu nepropisno izvedenih objekata u blizini, pored, iznad ili ispod elektroenergetskog objekta i postrojenja čijim izvođenjem ili upotrebom se ugrožava njihov pravilan rad, ili dovodi u opasnost život i zdravlje ljudi, ili ako to može prouzrokovati materijalnu štetu većeg obima.

U slučajevima iz stava 1. ovog člana žalba ne odlaže izvršenje rješenja.

V. KAZNE NE ODREDBE

Član 14.

Novčanom kaznom od 2.000,00 KM do 8.000,00 KM kaznit će se privredno društvo ili drugo pravno lice za privredni prijestup:

- ako ne obavijesti Ministarstvo o oštećenjima, havarijama ili eksplozijama elektroenergetskog objekta i postrojenja (član 9. stav 2.),

- ako ne postupi po naređenju inspektora da izvrši odgovarajuća ispitivanja i o istim obavijesti Ministarstvo (član 11. stav 1. i 2.),

- ako nastavi sa radom ili upotrebom elektroenergetskog objekta i postrojenja suprotno naređenju inspektora (član 13. stav 1. tačka 1. alineja 1. i tačke 2. i 3.).

Za privredni prijestup iz stava 1. ovog člana kaznit će se i odgovorno lice u privrednom društvu ili drugom pravnom licu novčanom kaznom od 200,00 KM do 2.000,00 KM.

Član 15.

Novčanom kaznom od 500,00 KM do 5.000,00 KM kaznit će se privredno društvo, drugo pravno lice ili samostalni privrednik - obrtnik za prekršaje:

- ako u postupku pribavljanja rješenja o odobrenju za građenje elektroenergetskog objekta ili postrojenja ne dostavi projektnu dokumentaciju Ministarstvu (član 7. stav 1.),

- ako ne obavijesti Ministarstvo o namjeravanim radovima na remontu, rekonstrukciji ili stavljanju van pogona elektroenergetskog objekta i postrojenja (član 7. stav 2.),

- ako pismeno ne obavijesti inspektora o završetku izgradnje elektroenergetskog objekta ili postrojenja ili ako počne sa korištenjem elektroenergetskog objekta ili postrojenja prije izvršenog tehničkog prijema odnosno izdavanja rješenja o odobrenju za upotrebu (član 8. stav 1. i 2.),

- ako ne posjeduju tehničku dokumentaciju (član 10. stav 1. alineja 1.),

- ako se ne pridržava tehničkih propisa, standarda i drugih akata u radu, održavanju i rukovanju elektroenergetskim objektima i postrojenjima ili neuredno vodi evidencije o radu elektroenergetskog postrojenja (član 10. stav 1. alineje 2., 4. i 6.),

- ako ne otkloni nedostatke ili nepravilnosti na elektroenergetskom objektu, prema rješenju inspektora ili u određenom roku ne obavijesti Ministarstvo o otklanjanju utvrđenih nedostataka i nepravilnosti (član 12. stav 1. i član 13. stav 1. tačka 1. alineja 2.).

Za prekršaj iz stava 1. ovog člana kaznit će se odgovorno lice u privrednom društvu ili drugom pravnom licu, kao i drugo ovlašteno lice novčanom kaznom od 100,00 KM do 500,00 KM.

Pored novčane kazne, privrednom društvu, drugom pravnom licu ili samostalnom privredniku - obrtniku, izreći će se zaštitna mjera zatvaranja elektroenergetskog objekta ili postrojenja u trajanju od tri mjeseca do jedne godine:

- ako se ne pridržava tehničkih propisa, standarda i drugih akata u radu, održavanju i rukovanju elektroenergetskim objektima i postrojenjima (član 10. stav 1. alineje 2. i 6.).

- ako ne otkloni nedostatke ili nepravilnosti na elektroenergetskom objektu, prema rješenju inspektora, ili u određenom roku ne obavijesti Ministarstvo o otklanjanju utvrđenih nedostataka i nepravilnosti (član 12. stav 1. i član 13. stav 1. tačka 1. alineja 2.).

VI. PRIJELAZNE I ZAVRŠNE ODREDBE

Član 16.

Do donošenja novih podzakonskih propisa iz oblasti elektroenergetske inspekcije primjenjivat će se podzakonski propisi koji su na snazi na teritoriji Federacije Bosne i Hercegovine na dan stupanja na snagu ovog zakona.

Član 17.

Ovaj zakon stupa na snagu osmog dana od dana objavljivanja u "Službenim novinama Tuzlanskog kantona".

Bosna i Hercegovina
Federacija Bosne i Hercegovine
TUZLANSKI KANTON

Predsjednik
Skupštine Tuzlanskog kantona

Skupština

Amir Fazlić, v.r.

Broj: 01-02-263-21/02
Tuzla, 24. 4. 2003. godine

91

Na temelju članka 24. stavak 1. točka c) Ustava Tuzlanskog kantona ("Službene novine Tuzlansko-podrinjskog kantona", br. 7/97 i 3/99 i "Službene novine Tuzlanskog kantona", br. 13/99 i 10/00), na prijedlog Vlade Tuzlanskog kantona, Sabor Tuzlanskog kantona, na sjednici održanoj 24. 4. 2003. godine, donosi

ZAKON

O ELEKTROENERGETSKOJ INSPEKCIJI

I. TEMELJNE ODREDBE

Članak 1.

Ovim zakonom uređuju se poslovi inspekcijskog nadzora nad izvršavanjem zakona i drugih propisa iz oblasti elektroenergetike na području Tuzlanskog kantona (u daljem tekstu: poslovi inspekcijskog nadzora).

Poslovi inspeksijskog nadzora vrše se kod proizvođača opreme, izvođača radova i korisnika elektroenergetskih objekata, postrojenja i uređaja koji s električnim instalacijama čine tehnološku cjelinu i namijenjeni su za proizvodnju, distribuciju i korištenje električne energije (u daljem tekstu: elektroenergetski objekti i postrojenja).

Članak 2.

Poslovi inspeksijskog nadzora nad elektroenergetskim objektima i postrojenjima iz članka 4. ovog zakona vrše se prilikom planiranja, projektiranja, proizvodnje, gradnje, rekonstrukcije, remonta elektroenergetskih objekata i postrojenja, ugrađivanja električnih uređaja, instalacija i trošila i njihove uporabe.

Poslovi inspekcijskog nadzora obuhvaćaju kontrolu kvaliteta električne energije, uporabe i održavanja elektroenergetskih postrojenja s ciljem ocjene njihove tehničke ispravnosti, pogonske spremnosti, sigurnosti pogona, pogonskog i drugog osoblja, racionalne uporabe električne energije i provođenja mjera ograničenja potrošnje električne energije.

Članak 3.

Poslove inspekcijskog nadzora iz članka 2. ovog zakona vrši Ministarstvo industrije, energetike i rudarstva Tuzlanskog kantona (u daljem tekstu: Ministarstvo) shodno Zakonu o kantonalnoj upravi ("Službene novine Tuzlanskog kantona", br. 1/99 i 2/99), a po postupku utvrđenom Zakonom o upravnom postupku ("Službene novine FBiH", broj: 2/98 i 48/99) i ovim zakonom, ako posebitim propisima taj nadzor nije stavljen u nadležnost drugim organima.

Poslove inspeksijskog nadzora iz prethodnog stavka vrše kantonalni inspektori elektroenergetike (u daljem tekstu: inspektor).

II. NADLEŽNOST

Članak 4.

Inspektor vrši poslove inspekcijskog nadzora nad:

- elektroenergetskim objektima i postrojenjima za proizvodnju električne energije snage niže od 3,5 MVA,

- elektroenergetskim objektima i postrojenjima za distribuciju električne energije napona do kojih im pripadaju po nadležnosti,

- potrošačima električne energije snage niže od 3,5 MVA,
- korisnicima električne energije priključenim na distributivnu mrežu do 35 kV.

Elektroenergetski objekti i postrojenja koji nisu obuhvaćeni stavkom 1. ovog članka u nadležnosti su federalne inspekcije.

Članak 5.

Za inspektora može se postaviti osoba koja ima završen fakultet elektrotehnike, elektroenergetskog smjera, s položenim stručnim ispitom i radnim iskustvom od najmanje tri godine na poslovima projektiranja, proizvodnje, izgradnje ili eksploatacije elektroenergetskih objekata i postrojenja, nakon položenog stručnog ispita.

Članak 6.

U vršenju inspekcijskog nadzora inspektori ostvaruju suradnju s federalnim inspektorima u pitanjima koja su od zajedničkog interesa